

Di dla Unité Ladina

En sabeda ai 14 de messel da les 16:30, tl alberch Maria sun l Jof de Pordou. Al gnirà prejenté scomenciatives culturales dles Unions di Ladins y ence l codejel nuef "Pedies tla Ladinia", con i contribuc di Dis Europeics a Neudrossenfeld stés dl 2017

Ladinité - "Di dla Unité Ladina" à inom la manifestazion che vegn metuda da jì ann per ann da la Union Generela di Ladins, per recordé la gran enconteda dl popul ladin sun l Jof dl Sela l'ann 1946, olache la jent ova manifesté sia volenté de unité y contra la tripartizion dles valedes ladines.

L pont zentral dla manifestazion de chest ann dessa ester propi les Unions di Ladins enstesses. Sot al titul "Se conesce, sté deberieda, tegni adun", prejentaràles vignuna scomenciatives y projec de interes per dutes la valedes, mirés a valorisé la emportanza dles Unions y de sies ativités per promueve la coejon y la unité ladina.

Publicazion nueva: Pedies tla Ladinia

Per la Union Generela é chesta la ocajon per prejenté



L cuertl dl codejel "Pedies tla Ladinia".

sia publicazion nueva dal titul "Pedies tla Ladinia". Chesta conten la verjion ladina y todesca dles cinch relazions dl Colloquium ladin, tegnides tratant i "Dis Europeics a Neudrossenfeld" de mei dl 2017, coche ence la pert de introduzion y prejentazion dla Ladinia, les poejes y les caricatures portedes dant y mostredes tratant l Colloquium ladin. Dut cant vegn acompagné da retrac y imprescions di "Dis Europeics", che ova cherdé alerch a Neudrossenfeld encer 4.000 persones y ti ova dé al ladin y ai ladins la ocajon da se prejenté sun na paladina internacionala.

Dutes les Unions di Ladins de valeda, les associazions ladines, les istituzions culturales y politiches, dutes la persones interessedes a la cultura ladina, é enviedes de cuer en sabeda ai 14 de messel sun l Jof de Pordou, pro l'alberch Maria.